

Varga 800 tiradurs en Surselva

Il Tir campester 2008 ha liug questa fin d'jamna

■ (gv) Questa fin d'jamna settan rond 4700 tiraduras e tiradurs il Tir campester 2008 el Grischn. Els fan quei en 28 stans. Ils tiradurs dalla Surselva settan culla buis a Sedrun, Pardiala, Rofna, Val e Versomi e culla pistola a Mustér. Tresa Schuoler dalla Societad da tir Desertina Mustér ei la menadra dil ressort Tir campester ellas retschas dil district Surselva. Per l'emprema gada ha il tir campester liug sut ina direcziun. Tresa Schuoler spetga varga 800 tiraduras e tiradurs els sis stans da sittar en Surselva. Ella astga denton buca mo spitgar in grond diember da tiraduras e tiradurs, mobein era buns resultats. Ils davos onns ei quei pli stau aschia. Igl onn vargau ha Josefina Berger da Surrein schau nudar il resultat maximal da 72 puncts ed igl onn avon Gion Paul Camenisch da Duvin. Josefina Berger ei stada l'emprema dunna cul resultat maximal en Surselva. Ina outra dunna sursilvana, Marie-Louise Degonda, haveva sittau avon tschun onns a Cuera il resultat maximal sco emprema dunna el Grischn.



En Surselva vegn il Tir campester sittaus a Sedrun, Pardiala, Rofna (foto), Val, Versomi ed a Mustér.

FOTO G. VENZIN

In tiradur sursilvan ch'ei uonn en buna fuorma ei Gion Cajochen dalla Societad da tir Vial Sumvitg. Els davos quater tirs ha el adina brigliu cun resultats da vaglia. Secapescha drovi a caschun dil Tir campester buca mo las habilitads ed in maun segir, mobein era dabia cletg per tucrar 18 gadas il da quater.

Melli tiradurs pli pauc

Igl onn vargau han 146 070 tiraduras e tiradurs sittau il Tir campester en Svizra. Igl onn 1999 han 4599 tiraduras e tiradurs sittau il Tir campester culla buis e

1063 culla pistola el Grischn. Fertion ch'il diember dils tiradurs cun pistola ei s'augmentaus levamein ils davos nov onns ei il diember dils tiradurs cun buis sereudicus tochen a 3574 il davos onn. La participaziun al Tir campester ha pils responsabels aunc adina gronda muntada ed els sesprovan cun tuttas stentas da mantener il diember actual. Stentas fan ils organisaturs dil Tir campester el stan da sittar a Versomi. Els cumbineschan il Tir campester cun ina fiasta ed han or-

ganisau per la sonda ina musica live ella vischinonza dil stan.

Tradiziun ha la viseta da representants dalla regenza e dil militar. Uonn fan quels la viseta a Vicosoprano.

Program dil tir campester en Surselva

300 meters		
Sedrun	venderdis, 17.00 – 20.00 sonda, 15.00 – 19.00	
Pardiala	venderdis, 19.00 – 20.00 sonda, 10.00 – 12.00	
		25/50 meters
		Mustér
		venderdis, 18.30 – 20.00 sonda, 14.00 – 18.00

Rofna/Degen venderdis, 19.00 – 20.00
sonda, 10.00 – 12.00
sonda, 18.00 – 20.00

Val venderdis, 19.00 – 20.00
sonda, 10.00 – 12.00
sonda, 18.00 – 20.00

Versomi venderdis, 19.00 – 20.00
sonda, 9.00 – 12.00
13.00 – 15.00

RAPPORTAU DA NOS LECTURS

Punt da generaziuns 2008

Il turnier da giugs «Punt da generaziuns 2008» ei ius alla fin ils 22 d'avrel cun plirs surpris. Duront quater suentermiezdis havein nus, ils scolars dil secund scalem superiur da Mustér, giugau ensemen cullas commembras dall'Uniu da gimnastica senioras e culs seniors da Mustér pli vegls che sissonta. Gest sco il tetel «Punt da generaziuns 2008» dil turnier da giugs di han ils scolars empruau lur cletg encunter ils seniors. Mintga singul giugadur ha astgau eleger sez denter ils giugs jass, troccas ni skip-bo. Tenor miu manegiar ha il turnier da giugs purtau novas e bunas experientschas. Ins ha saviu passentar entginas legras uras plein tensiun cun persunas d'ina totalmein outra generaziun. Plinavon han ins era saviu emperder d'enconuscher novas persunas e lur characters.

Ils 22 d'avrel ha il final dil turnier da giugs «Punt da generaziuns 2008» giu liug. Ils giugadurs han spitgau, denton cun bu-

na, luna sils resultats. Suenten ina uriala han ils menader explicau tgi che hagi gudignau: Quei ein stai tier skip-bo: *Ramonda Manetsch*, en dar jass: *Cecilia Flepp*, e tier las troccas: *Rita Bearth*.

Sco premi han las victuras survegniun in canaster. Tut ils auter participonts han medemamein survegniun bials premis per lur engaschi. Quels premis ein vegni surdai dallas duas Laurenzias dalla Uniu da gimnastica senioras Mustér.

In cordial engraziament lein nus dir a tut ils sponsurs sco era a tut quels ch'ei in ed han dumandau per premis, allas scolas Mathilda Peng e Rezia Beer dil project «Punt da generaziuns 2008», a *Laurenzia Schnoz* e *Laurenzia Cajacob* da Mustér. Naturalmein era in grond engraziament a tut ils participonts, pertgei senza els fuss ei gnanc stau pusseivel da menar atras quei project.

Rita Bearth e Marina Morgenthaler
2. secundara scola Muster



Ils scolars da Mustér han giugau culs seniors.

MAD

Golf e Belcanto

(cp) D'incuort ho darcho giu lö a Bad Griessbach in Germania ün'eivna da golf e chaunt cun La Compagnia Rossini suot la direcziun dad *Armin Caduff*. Üna quarantina d'amatuors dal chaunt e dal golf impustüt da la Surselva e da l'Engiadina s'ho raduneda la fin avrigl i'l Hartl Resort per giuver a golf süen tschinch da quellas fich bellas piazzas.

Eir principiants, chi haun impris l'abc dal golf ill'academia da Bad Griessbach tal magister *Ursin Caduff*, haun giu l'occaiun da's participer als turniers e ramasser prümas experienzas süen parcuors cun 18 fouras.

Las sairas aunc tschaina d'eiran reservedas pel chaunt. Suot la direcziun dad *Armin Caduff* haun las chantadurs e'ls chantaduors impris cun l'agid dals commembers da la Compagnia in poch temp diversas chanzuns populeras chi sun gnidas preschantedas l'ulti-

ma saira ad ün grand auditori in occasiun dal concert da gala da La Compagnia Rossini. Bgers partecipants haun chanto per la prüma vouta daspö lösch e que es impreschiunant quaut svelt cha quist cor ad hoc ho impris las chanzuns in diversas linguas.

Tar tuot ils concerts da La Compagnia Rossini discuorra *Armin Caduff* adüna eir ün pèr plets rumauntsch. Ils commembers da la Compagnia as identificheschon fich ferm cul rumauntsch e vöglian purter nossa lingua our in tuot il muond.

S'inclegia da se cha traunter ils Rumauntschs da la Surselva e da l'Engiadina esa gnieu discurreu be rumauntsch. Melgrò ils differents idioms sursilvan e puter ho que do interessantas conversaziuns.

Eir scha's ho stuvieu tadler bger pü attentamaing d'eira l'incletta vicendai-vla fich buna.



La Compagnia Rossini en acciun a Bad Griessbach.

MAD

BALLAPEI

Decisiun gia dumengia proxima?

(gv) Il campiunadi da ballapei va plauner alla fin. Per l'emprema da Schluein Glion ei quella fin cumbinada cun tensiun enorma e la decisiu davart la relegaziun sa gia curdar dumengia sera. L'equipa da *Remo Cavelti* gioga a casa encunter il tschunavel Sargans. Mo in success sa aunc gidar da mitschar dalla relegaziun.

Giugs da questa fin d'jamna

3. ligia, gruppa 1		
Tusaun/Cazas – Bogn Ragaz	dumengia, 16.00	
Mladost – Valposchiavo	dumengia, 16.00	
Walenstadt – Weesen	dumengia, 16.00	
Rapperswil–Jona – Flums	dumengia, 16.00	
Domat a – Cuera 97 a	dumengia, 16.00	
Schluein Glion – Sargans	dumengia, 16.00	

1. Weesen	20	14	2	4	45:22	44
2. Domat a	20	11	5	4	50:24	38
3. Rapperswil–Jona	20	12	0	8	48:30	36
4. Tusaun/Cazas	20	9	5	6	35:25	32
5. Sargans	20	9	2	9	28:24	29
6. Valposchiavo	20	8	5	7	26:31	29
7. Cuera 97 a	20	8	3	9	30:44	27
8. Bogn Ragaz	20	7	5	8	37:38	26
9. Flums	20	7	4	9	39:43	25
10. Mladost	20	6	3	11	36:58	21
11. Walenstadt	20	5	2	13	29:44	17
12. Schluein Glion	20	5	2	13	29:49	17

4. ligia, gruppa 1

Sedrun/Mustér – Schluein Glion	sonda, 18.00
Surses – Tusaun/Cazas	dumengia, 14.00
Trun/Rabius – Lumnezia	dumengia, 15.00
Schlarigna – Valposchiavo	dumengia, 15.00
Lusitanos – Danis-Tavanasa	dumengia, 16.30

1. Lusitanos	17	14	1	2	47:24	43
2. Schlarigna	17	11	3	3	29:20	36
3. Panaduz	19	12	0	7	48:28	36
4. Schluein Glion	18	8	3	7	37:35	27
5. Surses	17	8	2	7	33:33	26
6. Danis-Tavanasa	18	7	4	7	46:41	25
7. Valposchiavo	18	8	1	9	34:47	25
8. Trun/Rabius	18	7	3	8	43:35	24
9. Lumnezia	17	5	2	10	37:48	17
10. Sedrun/Mustér	17	3	2	12	33:58	11
12. Tusaun/Cazas	18	3	1	14	20:48	10

5. ligia, gruppa 1

Lumnezia – Domat	venderdis, 20.00
Panaduz – Val	sonda, 18.00
Danis-Tavanasa – Croatia 92	sonda, 19.30
Mladost – Domat	dumengia, 10.30
Trun/Rabius – Union Trin	dumengia, 13.00
Rueun – Lumnezia	dumengia, 14.00

1. Domat	14	12	0	2	42:11	36
2. Rueun	14	10	1	3	43:22	31
3. Panaduz	15	9	0	6	50:25	27
4. Croatia 92	15	6	3	6	31:43	21
5. Val	13	5	5	3	37:28	20
6. Union Trin	15	5	3	7	25:33	18
7. Trun/Rabius	15	4	4	7	19:28	16
8. Lumnezia	14	4	3	7	26:31	15
9. Mladost	6	2	0	4	15:26	6
10. Danis-Tavanasa	15	1	1	13	15:56	4

Juniors A2, gruppa 1

Surselva a – Flums	dumengia, 14.00
Linth 04 – Domat	dumengia, 14.00

Juniors B1, gruppa 1

Surselva b – Landquart	sonda, 14.00
Surselva a – Heiden	sonda, 16.00

Juniors B2, gruppa 1

Lusitano – Team Cadi 04	sonda, 16.00
Lai/Valbella – Cuera 97	sonda, 16.00
Domat – Vaz-sut	sonda, 17.30

Juniors C promoziun, gruppa 1

Tusaun/Cazas – Montlingen	sonda, 14.00
Surselva – Landquart	sonda, 16.00

Juniors C1, gruppa 1

Linth 04 – Domat	sonda, 12.00
------------------	--------------

Juniors C2, gruppa 1

Surses – Cuera 97 a	sonda, 13.00
Tusaun/Cazas – Surselva	sonda, 13.30
Schlarigna – Walenstadt	sonda, 15.00
Bogn Ragaz – Cadi 04	sonda, 16.00

Juniors D9 elita, gruppa 1

Team Surselva – Montlingen a	sonda, 14.00
------------------------------	--------------

Juniors D9/1, gruppa 1

Team Surselva a – Tusaun/Cazas a	sonda, 10.00
Sedrun/Mustér – Domat a	sonda, 14.00
Panaduz – Surses	sonda, 14.00
Trun/Rabius a – Valposchiavo	sonda, 16.00

Seniors meister, gruppa 1

Grabs – Tusaun/Cazas	venderdis, 19.30
Panaduz – Walenstadt	venderdis, 20.00
Danis-Tavanasa – Triesen	venderdis, 20.00

Veterans, gruppa 1

Bogn Ragaz – Panaduz	venderdis, 19.30
Val Tamina – Domat	venderdis, 20.00
Laax – Vaz-sut	venderdis, 20.00

Damas 3. ligia, gruppa 1

Lusitanos – Tusaun/Cazas	dumengia, 13.00
Diepoldsau – Laax	dumengia, 13.00
Ruggell – Sedrun/Mustér	dumengia, 15.00